

八名普密陀羅尼經

唐三藏法師玄奘奉 詔譯

如是我聞一時薄伽梵在室羅筏住誓多林給孤獨園與大苾芻衆千二百五十人俱及無量無數菩薩摩訶薩并諸天人阿素洛等異類大衆前後圍繞爾時世尊告金剛手菩薩言善男子汝所受持諸上明呪神用威猛功業難成雖後爲益或初暫損今有八名普密神呪威德廣大事業易成神用祕密始終無損能受持者必獲利樂當爲汝說汝樂聞不時金剛手歡喜踊躍頂禮佛足右跪合掌請言世尊惟願爲說佛言諦聽極善思惟吾今爲汝分別演說何謂八名普密神呪一名功德寶藏二名莊嚴象耳三名善勇猛四名勝諦雲五名滅熾然六名微妙色七名嚴飾

行

八名金剛若有得聞此八名呪於當來世經

七俱胝那庾多百千大劫不墮地獄傍生餓

鬼將命終時身心安隱見有諸佛及諸菩薩

來現其前爲說大乘甚深法要既聞法已必

得往生觀史多天奉事彌勒後隨彌勒下瞻

部洲行願漸增乃至究竟陀羅尼曰

頌蘇契已下同切薩縛迦摩婆達泥 唎梨寐梨

摩蘇契 薩縛迦摩婆達泥 唎梨寐梨

薛梨薛梨 悉殿都謎薩縛迦摩 娑駄室

遮縵怛羅般陀莎訶

佛說如是普密呪時八十俱胝諸惡神鬼皆

生歡喜捨離毒心歸佛法僧斷惡修善俱詣

佛所發誠諦言願常護持此大神呪令受持

者身心安樂佛言善哉如汝所願若有善男

子善女人歸佛法僧及金剛手能處閑靜堅

修梵行親近制多受持讀誦所求善願無不
皆得乃至無上正等菩提恒憶宿命無有忘
失時薄伽梵說是經已金剛手等一切菩薩
及諸天人阿素洛等一切衆會聞佛所說皆
大歡喜信受奉行

八名普密陀羅尼經